

६३

त्वं महाँ इन्द्रो यो ह शुष्मैर्घ्वावा जज्ञानः पृथिवी अमे धाः ।
 यद्ध ते विश्वा गिरयश्चिदभ्वा भिया दृह्हासः किरणा नैजन् ॥ १ ॥
 आ यद्धरी इन्द्र विव्रता वेरा ते वज्रं जरिता बाहोर्धात् ।
 येनाविहर्यतक्रतो अमित्रान्पुर इष्णासि पुरुहूत पूर्वीः ॥ २ ॥
 त्वं सत्य इन्द्र धृष्णुरेतान्वमृभुक्षा नर्यस्त्वं षाट् ।
 त्वं शुष्णं वृजने पृक्ष आणौ यूने कुत्साय द्युमते सचाहन् ॥ ३ ॥
 त्वं ह त्यदिन्द्र चोदीः सखा वृचं यद्धजिन्वृषकर्मनुभ्राः ।
 यद्ध शूर वृषमणः पराचैर्वि दस्यूर्योनावकृतो वृथाषाट् ॥ ४ ॥
 त्वं ह त्यदिन्द्रारिषण्यन्दृहस्य चिन्मर्तानामजुष्टौ ।
 व्यस्मदा काष्ठा अर्वते वर्धनेव वज्रिञ्छुथिह्यमित्रान् ॥ ५ ॥
 त्वां ह त्यदिन्द्राणैसातौ स्वमीह्ने नर आजा हवन्ते ।
 तव स्वधाव इयमा समर्य ऊतिर्वाजेष्वतसाय्या भूत् ॥ ६ ॥
 त्वं ह त्यदिन्द्र सप्त युध्यन्पुरो वज्रिन्पुरुकुत्साय दर्दः ।
 बर्हिर्न यत्सुदासे वृथा वर्गहो राजन्वरिवः पूरवे कः ॥ ७ ॥
 त्वं त्यां न इन्द्र देव चित्रामिषमापो न पीपयः परिज्मन् ।
 यया शूर प्रत्यस्मभ्यं यंसि त्मनमूर्जे न विश्वध क्षरध्वै ॥ ८ ॥
 अकारि त इन्द्र गोतमेभिर्ब्रह्माण्योक्ता नमसा हरिभ्यां ।
 सुपेशसं वाजमा भरा नः प्रातर्मक्षू धियावसुर्जगम्यात् ॥ ९ ॥

६४

वृष्णे शर्धाय सुमखाय वेधसे नोधः सुवृक्तिं प्र भरा मरुद्भ्यः ।
 अपो न धीरो मनसा सुहस्त्यो गिरः समंजे विदथेष्वाभुवः ॥ १ ॥
 ते जज्ञिरे दिव ऋष्वास उक्ष्णो रुद्रस्य मर्या असुरा अरेपसः ।
 पावकासः शुचयः सूर्या इव सत्वानो न द्रप्सिनो घोरवर्षसः ॥ २ ॥
 युवानो रुद्रा अजरा अभोग्धनो ववक्षुरग्निगावः पर्वता इव ।
 दृह्हा चिद्विश्वा भुवनानि पार्थिवा प्र च्यावयन्ति दिव्यानि मज्मना ॥ ३ ॥